

欽定大清會典事例

卷
九百二十四至
九百二十七

工部
水利

欽定大清會典事例卷九百二十四

工部

水利

畿輔一

畿輔。順治九年。修理石景山以南至盧溝橋一帶決口隄岸。十二年。修築薊州及玉田豐潤三河三縣決口隄岸。十四年。修

畿輔隄岸。十五年。修築內河邢家口白馬灣殷家洄流棉花市龍王廟五處決口隄岸。康熙元年

諭八旗都統及有司官不時稽察嗣後隄岸決壞之處

其田土屬旗人者。都統督旗人自行修築。屬民者有司官督民自行修築。永定為例。○七年題准。盧溝橋。

霸州等處隄岸衝決。均動帑修築。○十二年。濬。

玉泉山一帶河道。增修高粱橋白石橋諸牯壩。

○二十一年。修築石景山至盧溝橋一帶隄岸。

○二十六年議准。直隸省旗莊田地隄岸。令旗。

民互助協修。該州縣會同屯領催酌取近土修。

築。○二十九年。建玉泉山石牯一座。疏濬河道。

○三十二年。修復霸州苑家口傾圯舊隄。○三。

十三年。修濬靜海大城。任邱雄縣。隄岸河道。○

三十九年大修

畿輔各州縣清河子牙河官隄民隄共長一千五百二十餘里。又覆准漳河隄岸衝決巡撫照總河例議處。分司道府照督催等官例議處。同知等官照承修官例議處。五十二年

諭石景山隄工。關繫緊要。若交與永定河分司兼管。則駐紮遙遠。難於巡察。著仍照前委部員防守修理。堂官不時巡察。儻有坍塌之處。即行奏聞。雍正二年諭石景山渾河隄工甚屬緊要。著詳勘修理。四年特命親王大臣查勘直隸地方。自雍正四年為始。節次

興修

畿輔水利。○又奏准直隸省之水。經流有三。北為白河。即北運河。南為衛河。即南運河。其匯

畿輔西南六十餘河之水。為巨浸。東至直沽。合白河。衛河同入海者。為淀河。又淀之下流南來者。為子牙河。北來者為永定河。皆水濁泥多。橫激壅淤。為淀河患。故淀治而水利興。必河治而淀乃就理。向患永定河濁流。由勝芳河之西。奔騰南下。今自范蠡口。別開長淀河一道。面闊十五六丈。深四五尺不等。長三十餘里。引渾河繞王

慶坨之東北入三角淀。直趨而東。俾濁水無復南流淤淀。又東安武清。地當濁流之下游。每苦泛溢。今由柳岔口至韓家樹三十餘里。築隄以防其衝。子牙河為滹漳滏陽大陸諸水下流。水汎泥多。今將兩岸之隄加高培厚。束其流使不得盪激衝決。由大城之王家口入淀。藉淀河清流之力刷之。使河流泥沙不致淤淀。又環淀舊有

欽隄一道。迴環千里。自康熙三十七年修築之後。幾三十年。日就圯壞。一遇暴漲。衝決漫溢。今自

清苑以下。文安以上。凡隄身低薄殘缺之處。悉為加高增厚。修治補葺。建牖設壩。鑲以椿葦。堅以夯礮。又開張家嘴勝芳河。以瀉其流。俾不至會同玉帶諸河。浸齧隄根。又苑家口河身逼窄。每致漫決。濬中亭河。十望河。以洩其漲。又柴火淀在其上游。急流直衝隄岸。開口頭邨。引河掘張青口毛兒灣等處。導歸中亭。以緩其勢。以分其流。庶幾

欽隄鞏固。一勞永逸。○又奏准。牝牛河為白溝支津。雨潦則溢而東決。日久衝溜。自成河形。下無

所歸。泛溢田野。為固霸諸州邑之患。應濬治良鄉以南。經涿州固安霸州等處一百七十餘里。令河身深闊。至高橋以下。導之入淀。則白溝之暴漲可減。○又奏准新安當漕。電二河之衝。廬舍時遭漂浸。自三台邨以南。開引河一道。使漕河入電。電河入淀。則上流諸水不致泛溢。又於新安城北築隄二十餘里。以護縣治。今改新建安鄉。姜石觜牖。俾小殷淀大殷淀等處營田。旱澇有備。○又奏准高陽縣豬龍河。自柴淀口河身南徙之後。舊河斷流。新河界連任邱。藉隄為障。近

復決蜚螂口而東。任邱西北邨莊盡被淹浸。鄭
州一帶通衢往來病涉。今築攔河壩障之。使西
濬車道口。引流歸淀。堵築蜚螂放水諸口。以斷
其流。涸出任邱被淹之地。俾民復業。又於任邱
之棗林莊等處。高築引道十餘里。復開王邨順
子口。消南來之積水。以便南北行人往來。又
奏准雄縣之趙北口。為西淀咽喉。舊有隄長十
里。設橋八座。今增橋為十一座。以木易石。空其
橋下。各濬深丈餘。使暢闊深廣。水勢順流。直達
柴火淀而東下。庶河流無滯。淀淀貫通。○又奏

准京南以滹沱河為大澤。綿亙千有餘里。時決時淤。其次為任縣泊。即大陸澤。次為甯晉泊。即河薄落。皆為巨浸。並會於滏陽河。自滹沱填淤。河高於泊。入滏之路。惟雞爪河一道。不足以消全泊之漲。而穆家口為二泊傳送之口。淺隘不能暢流。今並令疏濬。深至九尺不等。廣至八丈有餘。長至三十餘里。又築隄邢家灣。以防其決。濬深王甫隄橋之下。以舒其流。二泊涸地盡成膏腴。復展窰營上邳黃兒營等處。從此二泊之會於滏陽者。下流無滯。○又奏准還鄉河即古

巨梁水委折蛇行。舊有三灣九曲之稱。河道狹而隄堰卑。東決則淹豐潤。西決則淹玉田。今於劉欽王木匠等莊。河身之狹者闊之。修築隄工之殘缺者。且拓廣而加高之。俾水不旁溢。兩邑無衝漫之患。○又議准灤薊天津文安霸任邱新雄等州縣。專設營田之官。行文江浙兩省。召募老農。每省各送三十人。每月酌給工食糧米。令課導耕種。不敷再募。俟本地人耕種得法。令其回籍。小民力不能耕者。官給錢糧。經理牛種。秋成後。歲收十分之一。足額而止。有力之家。率

先奉行者。計圩田多寡。分別獎賞。其出貲代人
營田者。民則分別獎賞。官則分別議敘。仍歲收
十分之一。歸還原本。其官田數萬頃。分地遣官
會同地方官。首先舉行。為民倡率。其濬流圩岸
以及瀦水。節水引水。岸水之法。仿照成規。各因
地畝形勢。節次興修。所須農器水車等物。亦行
文江浙兩省。各送匠人五名。教導本地匠人。依
式成造。照召募老農之例。一例支給工食。俟本
地造作如法。令其回籍。至民間田舍有害水道
者。計畝均攤。通融撥抵。視本田畝數加十之二

三。其河淀淤地。已經成熟。升科。而必須開闢者。將附近官田。照數撥補。違者照例治罪。○五年。修整天津縣教場老君堂。渠橫口。單街。四處隄工。○十二年。修築玉田。豐潤。二縣各處受水圍堰。並加修馬營林南倉。至宋家口一帶舊堰。以障西流。並疏濬鴻橋河中流淤淺。○又議准寶坻縣南岸官隄。大吳家莊。新安鎮險要之處。每年視水勢大小。緩急。令地方官備辦物料堵搶。○又議准。加修潮河隄堰。自小河口至南小莊之東。與還鄉河西堰相接。柳沽石臼窩二處。各

設涵洞以資宣洩。○又議准還鄉河兩岸隄堰設歲修銀於通水道庫內先期酌用。○乾隆元年覆准還鄉陡河辦工銀令總督總河具題察覈。○又加修石景山南北兩岸石工。○二年

諭直隸河道水利關係重大若但為目前補救之計而

不籌及久遠終無裨益總督總河所奏尚非探本清源之論茲特遣大臣親往詳勘形勢籌度機宜應如何改移開濬修築之處熟商妥議酌定規模仍交總督總河督率所屬遵照辦理。○又挖濬盧溝橋底淤沙並濬引河一道麻峪邨橋口用柳圈填石子

築攔河壩。增築小堰三十餘丈。○又奏准東西兩淀為

畿輔衆水之匯。應增設堡船祿夫。疏濬淀中河道。以利宣洩。其入淀故道。尋源溯流。悉濬舊址。支流汊港。一概深通。俾環淀諸邑。永無漫溢之患。○又奏准直隸省清河隄岸。起清苑縣界迄獻縣之臧家橋。周迴於順天保定河間三府之境。沿河繞淀。為數十州縣生民之保障。名曰千里長隄。築培高厚。以防潰決。底闊八丈。頂闊二丈。高一丈為率。修成坦坡之形。並疏濬支河。以資

節宣濱河邨莊增建板橋便民行走嚴禁攔河
壘道橫絕中流俾支河暢達以收分減之效○

三年加築石景山隄岸○四年

諭直隸地方水利未講以致水漲則受其患而平時未
獲其益此衆所共知者前屢降諭旨令總督等悉心
籌畫善為經理續據陳奏大概講論河道情形至如
何消除積水俾民間田畝收水利而免水患未曾詳
晰奏及朕思此時乃水落之際又值年穀收穫正宜
董率官吏及時經營不但工程可以早竣而無業貧
民亦可藉以餬口若不趁此時速為料理為未雨綢

繆之計。轉瞬春水長發。又難於施工。朕為閭閻疾苦。時廑於懷。為封疆大吏者。當體此意。欽此。遵。

旨議定。直隸省經流之大者。永定子牙南運北運四河。

東西兩淀。永定河葉淀之東。漸為疏引。使入西沽之北。別行入海。濬子牙新河。使上流諸水得以歸淀。開河之東隄於蒲港等窪。漸引而東。入西沽之南。別行入海。它去北運河南岸沙嘴。深濬減河。培補隄岸。加築南運河兩岸遙隄。它河身以行正溜。濬減河三十餘里。入老黃河以達於海。開它西淀白溝河故道。使入中亭。於九橋。